

Broj: 5-1-05-1-321/8-17
Sarajevo, 10.11.2017. godine

Na osnovu čl. 64. stav 1. tačka b) i čl. 70. st. 1.,3. i 6. Zakona o javnim nabavkama Bosne i Hercegovine ("Službeni glasnik BiH", br. 39/14), člana 23. Statuta JP NIO Službeni list BiH, a na Prijedlog Komisije za javne nabavke o izboru najpovoljnijeg ponuđača, broj: 5-1-05-1-321/7-17 od 10.11.2017. godine u postupku nabavke računarske opreme, direktor je donio:

ODLUKU
o izboru najpovoljnijeg ponuđača

I

Prihvata se Prijedlog Komisije za javne nabavke o izboru najpovoljnijeg ponuđača, 5-1-05-1-321/7-17 od 10.11.2017. godine i ugovor za javnu nabavku računarske opreme dodjeljuje se ponuđaču NETWORK I d.o.o. Bijeljina, za ponuđenu cijenu od 17.888,00 KM bez PDV-a, kao najbolje ocijenjenom ponuđaču.

II

Po pravosnažnosti ove odluke, ugovorni organ će pozvati izabranog ponuđača radi zaključenja ugovora kojim će se regulisati međusobna prava i obaveze vezane za predmetnu nabavku shodno zahtjevima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ova odluka će se objaviti na web stranici www.sluzbenilist.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku nabavke u skladu sa članom 71. stav 2. Zakona o javnim nabavkama BiH.

OBRAZLOŽENJE

JP NIO Službeni list BiH (u daljem tekstu: ugovorni organ) je na osnovu Odluke o pokretanju postupka za nabavku računarske opreme proveo otvoreni postupak nabavke.

Obavještenje o nabavci broj: 195-1-1-59-3-19/17 objavljeno je na Portalu javnih nabavki dana 11.10.2017. godine.

Nakon isteka roka predviđenog za dostavljanje ponuda, Komisija za javne nabavke (u daljem tekstu: Komisija) je u Zapisniku o zaprimanju ponuda od 01.11.2017. godine konstatovala su u roku pristigle slijedeće ponude:

1. Ponuda ponuđača „NETWORK I“ d.o.o. Bijeljina, broj protokola: 5-1-05-1-321/2-17, dostavljena 31.10.2017. godine u 10.15 sati.
2. Ponuda ponuđača „TELNET“ d.o.o. Sarajevo, broj protokola: 5-1-05-1-321/3-17, dostavljena 01.11.2017. godine u 10.45 sati.
3. Ponuda ponuđača „PRINTEX“ d.o.o. Sarajevo, broj protokola: 5-1-05-1-321/4-17, dostavljena 01.11.2017. godine u 11.15 sati.
4. Ponuda ponuđača „ASPO RAIL“ d.o.o. Sarajevo, broj protokola: 5-1-05-1-321/5-17, dostavljena 01.11.2017. godine u 11.30 sati.

U postupku analize pristiglih ponuda Komisija je u Zapisniku o pregledu i ocjeni ponuda, broj:5-1-05-1-321/6-17 od 10.11.2017. godine utvrdila da ponuda ponuđača TELNET d.o.o. Sarajevo nije formalno prihvatljiva za ugovorni organ iz slijedećih razloga:

- ponuđač je u ponudi na strani 37. dostavio Izvještaj o računima pravne osobe od 24.10.2017. godine izdat od strane Centralne banke BiH, a nije dostavio Povrdu poslovne banke u kojoj ima otvoren račun, kako je to propisano Tenderskom dokumentacijom u tački 7.3.2.:

„7.3.2 Ocjena ekonomskog i finansijskog stanja ponuđača će se izvršiti na osnovu dostavljene **izjave ovjerene od strane ponuđača**, koja se dostavlja u formi utvrđenoj Aneksom 7 tenderske dokumentacije **i dostavljene obične kopije slijedećih dokumenata** :

a) Potvrda poslovne banke u kojoj ponuđač ima otvoren glavni račun da glavni račun nije bio blokiran zadnjih šest mjeseci.“

čime je predmetna ponuda formalno neprihvatljiva za ugovorni organ, dok su preostale ponude formalno prihvatljive.

Analizom formalno prihvatljivih ponuda Komisija je Zapisnikom o ocjeni ponuda koji se dostavlja kao prilog ovoj Odluci, broj: 5-1-05-1-321/6-17 od 10.11.2017. godine utvrdila rang listu ponuda prema kriterijima za izbor ponude kako slijedi:

1. NETWORK I d.o.o. Bijeljina sa 100,00 bodova
2. PRINTEX d.o.o. Sarajevo sa 94,56 bodova
3. ASPO RAIL d.o.o. Sarajevo sa 79,29 bodova

Izabrani ponuđač NETWORK I d.o.o. Bijeljina je izabran primjenjujući kriterij ekonomski najpovoljnije ponude, te je shodno tome dat prijedlog o izboru navedenog ponuđača kao najpovoljnijeg.

Cijeneći navedeno odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa u pismenoj formi direktno, elektronskim putem ili preporučenom poštanskom pošiljkom na adresu: Džemala Bijedića 39, Sarajevo. Žalba se podnosi u najmanje 3 (tri) primjerka.

DOSTAVITI:

- Svim učesnicima postupka nabavke,
- Komisiji za javne nabavke,
- a/a .

DIREKTOR
Dragan Prusina